



### **Belgenin Transkripsiyonu:**

Bi'l-fi'l Ankara mollası fazîletlü efendi hazretleri ve şerâyi'-şi'âr fezâ'il-desâr sancağ-ı mezbûrda vâki' kuzât efendiler -zîde fazluhum- ve mefâhirü'l-akrân hâliyen Ankara mütesellimi ve kethüdâ yerleri ve yeniçeri serdârları ve iş erleri -zîde kadruhum- **inhâ olunur ki** ebnâ-i sebîlin yollarına inüb katl-i nüfûs ve gâret-i emvâl eylemekle küllî fesâd ve şekâvete cür'et eden kuttâ'ü't-tarîk eşkıyâları teftîş ve tefahhus olunub ahz olundukda şer'an lâzım gelen cezâları verilmek umûr-ı mühimme-i dîn ü devlet ve elzem-i levâzım-ı fer-i taht-ı şevket olmağla sancağ-ı mezkûrun dahi eşkıyâsı teftîşine buyruldu isdârıyla ağalarımızdan kıdvetü'l-emâsil ve'l-akrân Hızır Ağa -zîde kadruhu- ta'yîn ve irsâl olunmuşdur, **gerekdir ki** ol makûle harâmzâdeleri ve mücerred tarîk-i hilâfda olan şakîleri ağamız kemâliyle teftîş ve tefahhus ve ahz ü habs edüb takayyüdünüz sebebiyle ele getirülen eşkıyânın üzerlerine ber muktezâ-yı şer'-i şerîf sübût bulan mevâdd, siciLl ve hüccet olunub sûret-i sicilleri ve hüccetleri ile tarafımıza ihzârda her biriniz mecd ü sâ'î olub ihmâl ve müsâmaha veyâhûd harâmzâdeye mu'ayyen ve himâye olunmağla sâdır olan emr-i şerîf-i celîlü'l-kadrin mefhûm-ı şerîfine muhâlif ağamızın teftîşine mâni' olur var ise huzûrumuza ihzâr etdirile ki itâ'at-ı fermân eylemedikleriçün mücib-i ibret olmak üzere eşedd-i hakâret birle hakklarından geline ve birkaç günlük zahâyir cem' ü tedârük ve münâsib konaklar dahi âmâde eylesesiz ki iktizâ ederse bi'z-zât kendümüz varub teftîş ederiz, ana göre be-gâyet basîret üzere olub teftîş-i eşkıyâda bir vechile kusûr eylemeyüb taht-ı kazâ ve hükûmet-şi'ârlarınızda vâki' eşkıyâları ahz ve ele getürmekde ağamıza her vechile imdâd ve i'ânet edesiz, taksîrâtınız olursa şevketlü, kudretlü, mürüvvetlü pâdişâhımızın mübârek başiçün cezânızı müşâhede etdirmemiz mukarrerdir, âgâh ve haberdâr olasız ve sancağ-ı mezbûrda askerî tâ'ifesi olub dirlik tasarruf edenler me'mûr oldukları mahalle gidüb vakt ü zamânıyla hıdemât-ı aliyye-i şehriyârîde bulunmaları için mecma'-ı nâs olan yerlerde dellâl nidâ etdirilüb cümleye i'lân ve işâ'at eylesesiz ki ba'de'l-yevm evlerinde bulunurlar ise muhkem hakklarından gelinür, işbu mazmûn-ı emr-i şerîf ve müceb-i buyruldu âmîl olasız, deyu buyruldu. Fî 20 Cemâziye'l-ülâ sene 95.

Bâ-mühri Müfettiş Paşa

Vuslü'l-binâ fi'l-yevm 29 min Cemâziye'l-ülâ sene 95.

### **Belgeden hareketle üzerinde tartışılacak konular:**

Cümle analizi: Belgeyi doğru anlama ve anlamlandırma aşaması.

Belgedeki verilerden hareketle tarih bilgisi üretme aşaması: Bu noktada aşağıdaki konularla ilgili tartışmaların yapılması hedeflenmektedir.

- 17. yüzyıl Osmanlı taşra yönetiminde öne çıkan yöneticiler
- Askerî taifesi
- Mütesellim
- Yeniçeri serdarı
- Kethüdayeri

- İş eri
- Yetki alanı
- Mecma'-ı nâs

**Konu ile ilgili okunabilecek literatürden bazı örnekler:**

Yücel Özkaya, “Mütesellim”, *TDV İslam Ansiklopedisi*, c.32 (2006), s. 203-204.

Erol Özvar, “Voyvoda”, *TDV İslam Ansiklopedisi*, c.43 (2013), s. 129-131.

Özer Ergenç, “Osmanlı Klasik Dönemindeki Eşraf ve A'yân Üzerine Bazı Bilgiler”, *Osmanlı Araştırmaları*, 3 (1982), s. 105-118.